

Johnny

Musik & Text Björn Heuser / Verlag: Dabelju

E
Johnny wor ne Spanier un hatt en Kneip en Ihrefeld,
eijentlich wor hä vill ze jung, für su en ahle Rentnerkneip.

A
Doch wä kennt en nit der Spruch „wä nix weed weed Weet“.

E
Su dach Johnny su für sich, der Lade wör nit verkeet.

B
30dausend Euro vun d´r Sparkass op d´r Eck,
A E
ne jode Name, en Brauerei un en nagelneue Thek.

G A E
Johnny - Johnny - Johnny! (2x)

Jot sechs Mohnd jiong et dann jot, dann wor die Neujier fott,
immer nur dieselve Köpp, dä Lade jing kapott.
Dann nohm hä sich en Kellnerin, ne ziemlich blonde Schuss,
et hätt nit lang jedurt, dann kohm et wie et kumme muss.
Meddachs ein Stund zo jemat un em Bierkeller jejach,
in Stoßzeiten och ens länger, aff un zo d´r janzen Daach.

Johnny - Johnny - Johnny!

Sing Frau die hätt et metjekräje un schmeeß der Kääl erus,
singe Lade wor singe Arbeit un jetz och sie ze Hus,
de Kellnerin es durchjebraant un hä wor janze allein,
dozo wor jrad noch Urlaubszick, keine Minsch kohm mieh erin.
Johnny wor dat scheißejal, d´r Typ hat singe Spaß,
Rum un Whisky un och Kölsch, hä wor singe beste Jass´.

Johnny - Johnny - Johnny!

Doch vun nix, do kütt och nix, un su dach Johnny sich,
irjent´wo her muss irjent´tjet her un mat sich op d´r Wäsch.
Hä kannt ne Typ an singer Thek, d´r jede morje kom,
jot jekleidet un autark, d´r Jung d´r mot jet han.
Dreimol han se sich jetroffe, et wor jedes Mol en Schau,
Johnny hätt zevill verrode - un soß dann drei Jahr em Bau.

Johnny - Johnny - Johnny!

Als der Johnny ruskohm, wor alles längs vorbei,
der Lade wor verkauf, un der Typ noch immer allein,
su maat hä sich ne Ware klor, un fuhr zoröck noh Huss,
singe Mamm hätt do op ihn jewaant, weil en Mutter waade muss;
doch in Spanien kohm der Johnny leider nie mieh an,
noh 800 Kilometer ne Sekundeschlof op d'r Autobahn.

Johnny - Johnny - goodbye Johnny.